



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

De gloria nouæ ciuitatis. tit. 252

urn:nbn:de:hbz:466:1-29452

eerebri & oculorum perturbatione fluit. Et talis post iudicium etiam manebit: Quia cessante motu cæli, cessabit omnis generatio & corruptio.

Tertia pœna in inferno, inquit Christus, est stridor dentium, per quem designatur omnis dolor, quem damnati in corpore & anima patientur, id est, magnitudo & longitudo pœna. Per stridorem dentium non corrupitur corpus, sed tantum doloris magnitudo ostenditur: melius esset, non esse natum hominem, quam sic fore damnatum, Matthæi. 26. Et 2. Petri. 2. Melius fuisset, non agnouisse veritatem, quam post agnitam & cæt. Pœnæ huiusmodi sunt æternæ, non ad annum vnum aut alterum, sed ite, Iudex inquit, in ignem æternum, Matth. 25.

Secundò, ex prædictis pœnis agnoscitur nunc beneficium Christi, quod nobis cõtulit victima sua crucis, quia idèd sustinuit tam cruentas pœnas, flagellationem, coronationem spinosam, maledictam crucifixionem, vt nos ab æternis huiusmodi cruciatibus liberaret, vt nos iustitia sua mundaret, factus est pro nobis maledictum, Gala. 3. & 2. Corinth. 5. At inquit: nunquid nõ CHRISTVS destruxit infernum, sicut canimus tempore paschatis, quòd infernum vit & astra tenet? Respondeo, Propheta Oseas 13 dicit quod dedit morsum inferno, Ero morsus tuus inferne, id est, Christus bonis & fidelibus destruxit ac debilitauit, quos trahere amplius ad se non potest infernus, sed malis & incredulis non est destructus. Nam Matthæi. 25, dicitur: ite in ignem æternum, qui paratus, & cætera. & Ioann. 5. Ibunt ij in supplicium æternum, id est, mali. Idèd timendus quoque est Deus, & nõ simus nimium securi & tardi nõ contingat nobis sicuti fatuis virginibus Matth. 25. quibus dicitur, Nescio vos.

Matt. 8.
13. 22. 24. 25
Luc. 13.

DE GLORIA NOVAE CIVITATIS.

NNn 4

TIT.



Primò, beatitudo nostra, quam credimus & speramus nobis contingere propter Christum, non erit in hac presenti ciuitate, sed in futura, Heb. 13. id est, in cœlesti Hierosolyma in cœlo, quod cœlū locus est, in quo Deus reidet cum omnib. suis Angelis & electis, sicut dicit Esai. 66. Cœlum mihi sedes est, & terra scabellum pedum meorum.

Secundò, de illo cœlo inquit Ioannes Apoc. 21. quod ibi erunt populus eius, id est, oēs credentes & electi, & ipse erit eorum Deus, id est, coronator & glorificator, unicuique iuxta opera sua, Mat. 16. & 1. Cor. 15. Alia est claritas stellarum, & differt stella à stella. Rom. 8. quos iustificauit, hos & magnificauit. Nihil erit hic factū, quod ibi non remunerabitur, etiā potus aque frigidæ, Matt. 10. & sic ex gratia propter Christū. Secundagloria, quod Deus hic absterget omnē lachrymam, id est, omnem tristitiam. Nam ubi est perfecta gloria, ibi nulla esse poterit tristitia, sicut dicit Esai. 32. Sedebit populus meus in pulchritudine pacis, in tabernaculis fiducie, & in requie opulenta. Nulla ergo tristitia hic erit, sed perpetuum gaudium.

Tertia gloria, quod mors ultra non erit, tunc enim destruetur, 1. Cor. 15. & implebitur, quod dixit Oseas 13. de Christo, O mors, inquit Christus ad mortem, ego ero mors tua: non amplius regnabis. Si non erit ultra mors, neque dolor aliquis in corpore per infirmitatem aliquam, neque luctus, quia ille nascitur & sequitur ex dolore aliquo, neque clamor de aliqua infirmitate, tristitia, dolore, miseria, &cæt. nulla enim ibi molestia erit in cœlo. nam omnia sunt in presenti vita propter peccata nostra. at tunc in noua ciuitate non erunt. Iam transferunt vetera, & omnia noua facta erunt, ibi iusti fulgebunt sicut sol, Matth.

13. non nubent neque nubentur, sed erunt sicut Ange-
li Dei, Matt. 22.

Secundò, ex integro dicere, quid sit beatitudo &
qualis sanctorū gloria, nemo potest, Sic Esa. 64. & 1.
Cor. 2. Paulus, cum ad hanc quæstionem perueniunt,
tacent, & dicunt: Quæ auris non audiuit, nec oculus
vidit, nec in cor hominis ascenderunt per cogitatio-
nē, quæ sint illa, quæ Deus preparauit se diligentib.
in cælo. & Rom. 8. inquit Apostolus: Non sunt cōdi-
gnæ passionēs huius temporis ad futuram gloriam,
quæ in nobis. reuelabitur: nihil amplius poterat di-
ci, idē credimus gloriam æternam.

Sic Petrus 1. Pet. 1. inquit: Corona illa immarcessi-
bilis iā nobis in cælo est reposita, sed reuelabitur in
tempore nouissimo, in quo exultabitis, qui iam mo-
dico tempore cōtristamini in varijs tribulationibus,
ut pbatio fidei vestrę multò preciosior sit auro: idē
iam videmus per speculū, & in enigmate, 1. Cor. 3. & 1.
Ioan. 3. Charissimi, nuuc filij Dei sumus, id est, fide,
sed nondum apparuit, quales erimus, & 1. Timo. 4. In
hoc laboramus & maledicimur, quia speramus in De-
um viuētē, qui est saluator omnium hominum, ma-
ximè fidelium, quam salutem & nobis propter Chri-
stum concedat Deus, AMEN.

CRUCEM TOLLERE QUID SIT.

TITVLVS CCLIII.

NOtandum primò, quòd crux est interna & ex-
terna afflictio & aduersitas, quæ DEVS supra
nos permittit. Nā Deus vult nos conformes
feri imaginis filij eius, Rom. 8. Idē quæcunq; aduer-
sitas, quæ nobis acciderit, illa crux nostra est, maximè
si propter veritatem & confessionem fidei & nomi-
nis Dei fit & toleratur. Matt. 5. Beati qui persecutio-
nem patiuntur, &c. Idē inquit Christus Mat. 16. Qui
vult post me venire, id est, ad illū locum, ybi ego sum,
Ioan.

NN 5